

फिलेमोनला पावलकी टिवु यिकी

दी थेपकी कोर्ला

फिलेमोन ति मिड फेलुप ख्रीष्टियान मिरा च्यिक यिन। ती ति कलस्सेला वोतुप चर्चकी मी यिनोक। तीकी ति ओनेसिमस सिरुप योक्पु यी नोक। तमा ती योक्पु ति खोरो ज्यिन्दाक फिलेमोनकी खाड्बा नेसुर टोनी गाल्नोक। ती पेला पावल ति चोन्खाडला शोर्नी नोक। ते ती ओनेसिमसकी पावलला ठेनोक। तमा पावल नेसुर राड ती ति ख्रीष्टियान च्युङ्गनोक। दी यिकी ति पावलकी ओनेसिमसकी लकला कल्नी फिलेमोनकी ते तङ्गुप यिन। पावलकी दी यिकीला ती योक्पुला माफ तेरुप तिराड मिन, तेपा कितुप ख्रीष्टियान नुपला दोके क्यानी गासो शुसा सिनी फिलेमोनला गोड्बा शुनी टिवु यिन।

मुला राड वोतुप लोप्च्येनतिवा

- यिकीकी कोर्ला १:१-३
- फिलेमोनकी थोक्ला थुचिछे ४-७
- ओनेसिमसकी थोक्ला गोड्बा शुवु ८-२२
- सिन्दा क्यावु २३-२५

पावलकी टसी देलेक

१ टसी देलेक! येशू ख्रीष्टकी थोक्ला चोन्खाडला शोरुप ड पावल ताड दाक्पी नुप तिमोथी नेसुर मुला राड लाका कितुप दाक्पी ड्रियङ्ज्येवु दाल्जा फिलेमोन ताड २दाक्पी नुम अप्फिया ताड मक्मी दोके च्युङ्नी दाक्पी मुला लाका कितुप अखिप्पस ताड ख्योरो खाड्बाला जोम्बुप चर्चकी तेरी मीतिवाला दी यिकी ति टिवु यिनो। ३दाक्पी पपा कोन्छ्योक ताड चोवो येशू ख्रीष्टकी ख्यिराडला कटिन ताड लोदिमु नडिश्ता।

थुचिछे ताड मोपोर

४आड फिलेमोन, ड मोपोर कितुप पेला ख्युरुडला टेन्नी कोन्छ्योकला नरी थुचिछे बुलिन। ५च्यिलासिसिन ख्योरो तेपा ति चोवो येशूला वोतुप ताड कोन्छ्योकला तेपा कितुप मी तेरीला ख्योरो ड्रियङ्ज्ये कयावु ति डे थोसुड। ६ख्योरो कयावु तेपाकी कोर्ला ख्योरो मी यम्बाला शेसिमा दाक्पुला ख्रीष्टकी नङ्गुप मोलाम ति तेरी ल्यामु कयानी हाक्कोशी सिनी ड मोपोर कितिन। ७आडो, ख्योरो कयावु ड्रियङ्ज्येकी डला छासे गा ताड सेमला डाडेड बडी ड्येनी वे। च्यिलासिसिन कोन्छ्योकला तेपा कितुप मीतिवी सेमला ख्योरो लोदिमु जो वे।

ओनेसिमसकी थोक्ला पावलकी गोड्बा शुवु

८ड ति ख्रीष्टला तेपा कितुप ख्योरो च्युच्यु यिन्दुप तप्की डाडेड कयानी ख्योरो काड कि गोकिवी सिनी क तेर थुप्किवी, ९यिन्सिनाड डे ख्युरुडला ड्रियङ्ज्ये कयावु तप्की ख्युरुडला गोड्बा शोयिन। ड पावल मी गावा यिन, तमा येशू ख्रीष्टकी थोक्ला तसाम चोन्खाडला शोर्नी वे। १०ओनेसिमसकी कोर्ला ड गोड्बा शोयिन। ड चोन्खाडला वोतुप पेला तीकी ख्रीष्टला तेपा कयावु तप्की ती ति डे पुज्युड दोके च्युङ्नी वे। ११ती ति गोमाला ख्योरो थोक्ला फेन मोथोवु वोसिनाड त याड ख्युरुड ताड ड ड्रियकरकी थोक्ला फेन थोवु च्युड वे। १२ती ति डे छासे ड्रियङ्ज्येवु यिन। तन्दा तीला ड ख्योरो ते तोड्रियनो। १३लेन ल्यामु ख्याप्टाक कयावु थोक्ला ड चोन्खाडला शोर्नी वोतुप पेला ख्योरो छापला डला दाल्जा किटे कितुपला तीला डे मुला राड ज्योकुप नो वोतुप्जा, १४यिने ख्युरुड माङ्येन्सुड सिसिन ड काड साड कितुप गा मलाङ्गिगी। डे करखापकी ख्योरो डला च्यम्बा कितुप मिन, ख्योरो सेम्बा सेमगी किशी सिरुप ति ड नो कितिन। १५ओनेसिमस नरीकी थोक्ला ख्योरो मुला लुशी सिनी राड चेयी पर सेक ती ति ख्योरो मु नेसुर कुतुक पेतुप

यिन्दे सिनी डे नासामला नोसुड।
 १६त याड ती ति योक्पु मिन, यिने
 योक्पु सिनाड मड ड्रियङ्ज्येवु नुप
 यिन। डला ड्रियङ्ज्येवु मी यिन्सिन
 ख्यिराडला ति मड ड्रियङ्ज्येवु
 यिन्जा। च्यिलासिसिन गोमाला ती
 ति ख्योरो योक्पु वोसिनाड तन्दा ति
 येशूला तेपा क्यावु नुप यिन।

१७ख्योरो डला वुतुड के मुला राड
 लाका कितुप दाल्जा यिन सिनी नो
 वोसिन डला दोके क्यानी तीला साड
 गासो शु। १८दोजो तीकी ख्योरो ति
 काड रे च्यिक रे मेलोकपा क्या वोसिन
 याङ्ना ते गोवु छ्यावा वोसिन डे
 मिडला टिनी ज्योक। १९दी यिकी ति
 ड पावलकी लाक्पी राड टिवु यिनो।
 ती छ्यावा ति डे राड तेतुप्नो। ख्योरो
 साड ड नेसुर राड मिजी थोप्नी डे
 थोक्ला ठिलेन च्योल गोवु वे। दी
 ताम्डे ति डे ख्युरुडला सि मोगोवी।
 २०तुक क्यानी आडो, येशूला तेपा

क्यावु तप्की डे थोक्ला ओनेसिमसला
 तोजोयी ल्यामु किसा। तमा ख्रीष्टकी
 थोक्ला डे सेमला लोदिमु जोनी नाड।

२१ख्युरुड डे खला ड्र्येन्गिवी सिनी
 रेवा क्यानी ड दी यिकी ति टिकिन
 वोतो। ख्योरो डे सिक्पावु सिनाड
 ल्हक्पा किवी सिरुप ति डला नो वे।

२२तमा यम्बा साड ताम्डे च्यिक वे।
 ख्यिरा क्यावु मोपोरकी ड ख्यिरा ते
 वुड थुप्किवी सिरुप ति डे रेवा क्या
 वे। तुक क्यानी डे थोक्ला देतुप दासा
 यी टडिक क्यानी ज्योका।

२३येशू ख्रीष्टकी थोक्ला डे मुला
 राड चोन्खाडला शोरुप इपाफ्रासकी
 साड ख्यिराडला टसी देलेक सिनी
 तड वोतो। २४तमा ड ताड मुला राड
 लाका कितुप मर्कूस ताड अरिस्तार्खस
 ताड डेमास ताड लूकाकी साड टसी
 देलेक सिनी तड वोतो। २५चोवो येशू
 ख्रीष्टकी कटिन ति ख्यिराड तेरीला
 वुडिशता।

